

Dragi prijatelji i kolege iz CIGRE-a, Dame i Gospodo,

Kao što nam je svima dobro poznato, elektroenergetski sektor trenutno prolazi kroz fazu burnih promjena. Neophodno je primjenjivati u sve većoj mjeri obnovljive izvore energije na svim nivoima. Nažalost, mnogi od njih se samo sporadično koriste, kao što je slučaj sa energijom vjetra i solarnim elektranama. Kao posljedica toga javlja se potreba za novim prenosnim kapacitetima na velikim rastojanjima, a problemi u vezi sa pravom prolaza se moraju hitno rješavati. Pojavljuju se milioni novih malih izvora i u sve široj su upotrebi, uglavnom na niskonaponskom nivou. Novi potrošači, poput električnih vozila i toplotnih pumpi moraju biti integrisani u sistem i potrebna je sistemska nadogradnja. Uopšteno govoreći, veća potrošnja električne energije dovodi do smanjenja potrošnje fosilnih goriva i povećanja ukupne energetske efikasnosti. Nauka, tehnologija, regulatorna tijela i politika moraju biti podjednako spremni da odgovore izazovu.

Budući da je CIGRE nepolitička i nepristrasna globalna platforma za razmjenu i elaboraciju znanja iz oblasti elektroenergetskih sistema, nalazi se u središtu takvog razvoja. Trenutno 230 internacionalnih radnih grupa obrađuje široki spektar tema. Oko njih 100 posvećuje svoj rad budućnosti elektroenergetske mreže. Za sada postoji oko 12.000 kolektivnih i individualnih članova koji pružaju svoj doprinos organizaciji, grupisanih u 58 nacionalnih komiteta širom svijeta. Upravo su ovi nacionalni komiteti i njihovi članovi istinski ambasadori CIGRE-a, budući da predstavljaju ovu organizaciju u svojim državama. Zemlje Jugoistočne Evrope doprinose dobroj reputaciji CIGRE-a na izvrstan način kroz organizovanje zanimljivih događaja i stručnih sastanka na odabrane teme iz svojih interesnih oblasti. Njihovo udruživanje i osnivanje CIGRE-ovog Regionalnog komiteta za Jugoistočnu Evropu logičnom je posljedicom toga. Moguće je prepoznati i iskoristiti poklapanje specifičnih geografskih i stručnih interesa.

Regionalni događaji i konferencije će zasigurno privlačiti pažnju i donositi beneficije članovima iz regiona, te stoga i cijelom udruženju. Mada su se i do sada sprovodile značajne aktivnosti na nacionalnom nivou, ubijeđen sam da će im udruživanje u Regionalni komitet za Jugoistočnu Evropu dati dodatni impuls. Stoga inicijativa zaslužuje veliko poštovanje. Najiskrenije želim da zemlje učesnice ostvare plodnu saradnju i vjerujem da će ovaj novi savez postati uspješno CIGRE-ovo tijelo u budućnosti.